

Po	Ut	Sr	Ce	Pe	Su	Ne
27	28	29	30	1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Objavljeno petak, 01 Oktobar 2021 09:40
Klikova: 10

Na području Kantona javni red i mir je narušen u pet slučajeva, kojom prilikom nije bilo povrijeđenih lica. U navedenim slučajevima intervenisali su policijski službenici i protiv počinilaca prekršaja preduzeli zakonom predviđene mjere i radnje.

Zenica

U toku noći 29/30.09.2021. godine, u mjestu Jehovina, izvršena je teška krađa u vikend kuću i garažu vlasništvo lica S.E., iz Zenice, kojom prilikom su otuđene dvije kosilice za travu, motorna pila, veća količina električnog alata, LCD TV aparat i drugi predmeti. Na licu mjesta je izvršen uviđaj od strane službenika Odsjeka kriminalističke policije Policijske uprave I.

Dana 30.09.2021. godine, u 19,30 sati, u ulici Pehare, policijski službenici Policijske stanice Centar su izvršili legitimisanje i pregled lica S.E., rođenog 1983. godine, iz Zenice, kojom prilikom su kod istog pronašli biljnu materiju koja svojim izgledom asocira na opojnu drogu, težine 15,85 grama. Navedeno lice je lišeno slobode i zadržano u prostorijama za zadržavanje.

Dana 30.09.2021. godine, u 20,00 sati, na lokalitetu Kamberovića polja, od strane tri nepoznata lica izvršen je fizički napad na lice N.A., rođeno 2001. godine, iz Zenice, koje je tom prilikom zadobilo teške tjelesne povrede konstatovane u Kantonalnoj bolnici Zenica. Daljnji rad na dokumentovanju navedenog krivičnog djela poduzimaju službenici Odsjeka kriminalističke policije Policijske uprave I.

Kakanj

Dana 30.09.2021. godine, u 10,26 sati, putem telefona obaviještena je dežurna služba Policijske stanice Kakanj da je od strane dva nepoznata, maskirana lica, uz prijetnju oružjem, izvršeno razbojništvo u providavnici "Top Sport", koja se nalazi u ulici Alije Izetbegovića, na čijem prilikom je otuđen određen broj pištolja i novčanik sa ličnim dokumentima uposlenice M.M., iz Kakanja. Na mjestu izvršenog razbojničnog djela je izvršen uvidaj od strane službenika Sektora kriminalističke policije pod nadzorom dežurnog tužioca Kantonalnog tužilaštva Zeničko-dobojskog kantona, dok se od strane policijskih timova poduzimaju intenzivne aktivnosti na otkrivanju i lišenju slobode izvršilaca ovog razbojništva.

Tešanj

Dana 30.09.2021. godine, u 15,25 sati, na parking prostoru ispred Tržnog centra "Madi", u mjestu Bukva, od strane lica K.O., rođenog 1986. godine, iz Tešnja, upotrebom drvene palice pricinjena je materijalna šteta na putničkom motornom vozilu marke "Passat", registarskih oznaka T17-J-035, vlasništvo lica M.D., iz Tešnja, te su navedenom licu nanesene lakše tjelesne povrede konstatovane u Službi hitne medicinske pomoći Tešnja. Izvršen je uvidaj od strane istražitelja Policijske stanice Tešanj a lice K.O. je pronađeno, lišeno slobode i nad istim je zavedena kriminalistička obrada.

SAOBRAĆAJ

Na području Kantona dogodilo se deset saobraćajnih nezgoda u kojim je pet lica zadobilo lakše tjelesne povrede, dok je na vozilima pričinjena materijalna šteta.